

雄黃

如菜荳大七粒

淮棗

去核七箇

右黃每粒藏棗內將鐵線

纏定於油燈上燒以外黑內乾為度出火氣為末擦牙根睡去流涎血止為度

追蟲丸

苦楝根

黃眾

木香

桃仁

去皮尖炒

蕪荑

炒

檳榔

各一錢

當歸

鶴蝩

炒各一錢五分

輕粉

一角

乾蟾

去頭足酥炙

黃連

炒各一錢

史君子

肉二十粒

為末細丸肉汁湯下

疳門要藥

清疳熱如川黃連胡黃連黃芩梔子地骨皮石斛五穀湯

雜症

疳門要藥

異

青黛滑石之類○隨候採用○

消瘕化積殺蟲如草龍膽蘆薈雄黃貫衆乾蟾三稜蓬朮

枳實山查史君子杏仁雷丸檳榔阿魏蕪荑石決明神麴

香附青皮木香之類○隨候採用○

滋陰養血如生地熟地當歸白芍丹皮地骨皮知母黃柏

澤瀉之類○隨候採用○

健脾開胃培元如山藥茯苓白朮縮砂陳皮白豆仁芡實

人參甘草米仁肉果蓮肉陳米之類○隨候採用○

經曰諸逆衝上。皆屬於火。諸嘔吐酸。皆屬於熱。又曰寒氣客於腸胃。厥逆上出。故痛而嘔。嘔吐者。陽明之氣下行。則順。今逆上行。故作嘔吐。有熱有寒。有食也。然始有因傷乳過滿而溢。以致導虛胃氣。漸成斯症者。有之。凡有聲有物。開口而作者。名曰嘔。有物無聲者。名曰吐。有聲無物者。謂之噦。又有哕。乳者。乳自流出。似簷水射出之象。噯者。心胸上下氣逆鬱築。噦者。膈虛胃寒。以致噦噦作聲。無物可出也。然候不一。如兒初生。有因母有伏痰。得之胎氣使然者。有因拭口不淨。惡水流毒所致者。有飲食乍乘。又觸驚怒。

胃氣受傷。惡食胃痛。而致者。若耳後紅紋。兩頰紅紫。氣粗作吐者。此發痘疹之候。如膚削神困。顫動不停。不思乳食。是胃氣虛弱。不能消納。此爲虛吐。如面青唇白。清涎夾乳。喜熱惡寒。四肢淒清。此爲冷吐。至如胃有實火。則吐黃水。而味苦。胸前煩燥。若乘厥陰而入肝。則爲酸。爲逆。多怒煩啼。此爲熱吐。如咳嗽氣急。吐清水。而膈悶者。是胃有寒邪。中有頑痰。已而成熱。此爲痰吐。若飲食不化。酸臭上逆。惡食不渴。胃痛潮熱者。是傷食傷寒也。若黃痰稠涎。作噁作嘔者。皆火之徵也。如面白毛焦。或面有白斑點子。唇紅或

紫昏困時吐不醒人事。胃口時痛時止而嘔清水者，蟲吐也。如唇黑多哭，夾痰吐乳者，是傷脾也。如身上發熱咳嗽，痰鳴，夜間煩躁，鼻青吐乳者，是客風傷肺也。如早晚發熱，山根青色，吐而不睡者，是驚吐也。治吐之法，當辨新久寒熱。如初吐，當導利以順氣下行。吐久者，須防胃虛生風，故治吐症，貴扶胃氣爲要。如吐不已，可微止之，無使太泄。胃氣惟有風疾及夾痰吐者，不可遽止，否則風無定處，更入外風，痰熱相生，必成驚候。其餘諸吐初起，及微嘔乳，便當調治。如嘔不已，卽成吐。吐之不已，卽成嘔。嘔之不已，卽成

噦噦之不已。卽成噦。至此胃氣大衰。精神漸脫矣。若至嘔吐不已。日漸沉困。顙陷顙腫。青筋大露者。并頻吐不食。昏沉語塞。喘急大熱。常嘔腥臭者。皆死。又有時時吐唾者。多因腎氣衰冷。不能藏蓄津滋。潤浥心肺。久必漸爲黃瘦。宜煎地黃料。浩飲之。又有胃氣衰冷。不能運行津液所致者。此宜溫補胃氣。又有心脾蘊熱。經曰舌縱涎下。皆屬於熱者。宜清理之。屬腎屬胃屬脾。爲虛爲寒爲熱。當以色脉辨之。

夫瀉注不同。澹泄滑利。洞五瀉是也。澹者似瀉。非瀉。糟粕不聚。其色似膿。泄者無時而作。瀉出不知利者。直射濺溜。氣從中脫。滑者水穀直過。腸胃不化。洞者頓然下之。如桶散潰。不留。當以脉候參詳。而虛實迥別矣。寒瀉者其色必白。熱瀉者色必黃赤。或糞沫射出而遠。火性迅速。元陽直走。毋輕視也。然有久寒之後。因虛而生火者。有因熱極而傷寒者。有因實而致虛者。有因虛不運化而似實者。有因傷後頻傷。色白似寒者。有因傷久燥瀉。色黃。津液耗亡。作渴而似熱者。有因木來尅土。色青似驚者。更泄症所屬有

五有胃泄脾泄大腸泄小腸泄大瘕泄胃泄者飲食不化其色必黃脾泄者腹脹滿而泄注食卽吐逆大腸泄者食已窘迫大便色白腸鳴切痛小腸泄者溲短而便膿血少腹必痛大瘕泄者數至圊而不能便莖中亦痛更有食積瀉者積聚停飲痞膈中滿脇肋疼痛晝涼夜熱厥口吐酸脉實者先利而後補虛者先補而後利如春月傷風咳嗽而泄瀉者是表裡俱虛木旺而土虧也冬月受寒而泄瀉者不治卽成慢脾也中濕而泄瀉者必腸鳴肚痛手足俱寒宜宣利其水可也然泄瀉瘧痢同乎一原皆由暑月脾

傷所致飲食爲痰充於胸膈則爲癰飲食爲積膠於腸胃
則爲痢飲食始傷卽瀉爲輕停滯既久乃發癰痢爲重又
凡水瀉而腹不痛肌肉虛浮身體重着者是濕如完穀不
化者爲氣虛如腹痛腸鳴卒痛一陣水瀉一陣者是火如
昏悶痰多時瀉時止或多或少者爲痰如痛甚而瀉瀉後
而腹痛減者爲食積如面垢煩燥渴飲水漿背寒自汗頭
熱嘔吐者爲傷暑然瀉本屬濕或飲食傷脾治法不外乎
滲濕消導分利補脾數法而已然尤宜分寒熱新久如瀉
久而元氣下陷者宜升提之腸胃虛滑不禁者宜收澀之

利○水○不○可○施○於○久○病○之○後○收○澀○不○可○投○於○初○起○之○時○而○赤
渴○瀉○者○煖○劑○宜○禁○瀉○久○作○渴○者○涼○劑○忌○投○蓋○暴○瀉○非○陰○久
瀉○非○陽○渴○者○當○致○不○渴○方○愈○謂○其○邪○熱○去○脾○氣○復○津○液○生
也○不○渴○者○當○致○微○渴○纔○痊○謂○其○積○滯○去○陰○陽○和○也○如○瀉○時
止○時○發○者○可○發○散○脾○間○濕○氣○後○與○扶○脾○可○也○若○交○寅○時○而
瀉○者○謂○之○晨○瀉○宜○爲○溫○補○腎○陽○蓋○腎○開○竅○於○二○陰○而○失○閉
藏○之○職○也○故○有○脾○虛○肝○虛○腎○虛○謂○之○三○虛○有○因○濕○因○火○因
痰○因○虛○因○暑○因○積○因○風○因○冷○謂○之○八○症○若○吐○乳○瀉○黃○是○傷
熱○乳○也○吐○乳○瀉○青○者○是○傷○冷○乳○也○糞○如○臭○雞○子○而○肚○膨○于

紋紫色而身熱者是疳瀉也。糞青夜啼或時驚悸者是驚瀉也。初瀉微黃。良久則色青者爲臟冷也。便青而夾白膿稠粘如涎者是亦腸寒。久則令兒腹痛鳴啼。面白形青漸成陰癰。總脾者一身之祖。百脉之源。病則十二經皆病矣。

論吐瀉

見科

凡脾虛則瀉。胃虛則吐。脾胃俱虛。吐瀉並作。先吐而後瀉者。是中焦之氣不和。不能消納。必面赤唇紅。煩渴。瘦短。厥脉洪數。乃受熱之徵也。先瀉而後吐者。或飲食乍加。夜睡肚冷。或寒濕傷脾。脾傷胃弱而成。必面白神倦。不熱不渴。

厥脉沉濡是虛寒之可徵矣。又有夏月外傷於暑。內傷於食。陰陽不能升降。乃乖膈而陡發者。又有陽氣不振而吐瀉不止者。亦有乳母冒暑。兒飲熱乳而然者。凡黃赤紅色爲熱。白色爲寒。青黑爲痛。然吐則傷氣。瀉則傷血。氣虛則發厥。血虛則發熱。氣血俱虛。則身熱而手足厥。繼此必成慢風。可不慎歟。惟疳瀉不成風候。久則亦患無辜。終爲虛乏。如瀉注而脉浮大數者死。或瀉而腹脹脉弦者死。唇赤生瘡眼多赤脉者死。久痢作嘔有聲無物。唇鮮渴逆者死。洞瀉不止者死。瀉如屋漏水而不止。食入則嘔昏沉眼竄。

手足口鼻皆冷者死。舌黑有芒刺，此陰竭而孤陽上浮也。大渴不止者，此腎敗也，俱死。

霍亂大小總論合參

附惡心

霍亂者，多得之於夏月。外感濕熱風暑，內傷飲食生冷，陰陽否隔，清濁相干，上下奔迫，氣亂腸胃之間，陽不降，陰不升，邪正相逆，中脘節閉，擊搏於中，卒然吐瀉而揮霍變亂。心腹大痛，嘔吐瀉利，憎寒壯熱，頭痛眩暈，邪在上焦，先心痛，則先吐；邪在下焦，先腹痛，則先瀉；邪在中焦，心腹並痛，則吐瀉齊作。陽明潤養宗筋，吐瀉驟亾，津液失其所養，甚

則轉筋入腹而斃。在小兒脾胃虛弱。乳食易停。兼外胃寒。暑則邪正相攻。脾虛則瀉。胃虛則吐。脾胃俱虛。吐瀉並作。亡陽變風者。有焉。治法則宜定吐安胃爲先。次以隨症止瀉爲要。然濕霍亂死者少。乾霍亂死者多。乾霍亂者。忽然脹滿。心腹絞痛。上不得吐。下不得瀉。躁亂昏憤。關格陰陽。遍體轉筋。手足厥冷。痰壅腹脹。頃刻之間。升降不通。便致悶絕。誤進飲食。立致殺人。此乃寒濕太甚。脾被絆而不能動。氣被鬱而不能行。脾土鬱極。不能發越。以致火熱內擾。所以卒痛手足厥冷。惡心嘔噦。俗名攪腸沙者。言其痛之

甚也。不可過於攻。過攻則脾愈虛。不可過於熱。過熱則火
愈熾。不可過於寒。過寒則火捍格。須反佐以治。然後鬱可
開。火可散也。北方刺青筋以出氣血。南方括手足以行氣
血。俱能散病。然出氣血又不若行氣血之爲愈。况霍亂乃
氣病而非血病。刺青筋固能散氣。然血亦因之以傷。人之
一身氣常有餘。血常不足。今不足者。又從而傷之。是不足
之中又不足矣。少壯之人。幸或得免。衰老之人。多致於死。
何則。夫氣爲血之先導。血爲氣之依附。今陰血旣虛。則陽
失其所依。必然躁越。不死何待。况陽虛必惡寒。陰虛必發

熱○熱○則○陰○血○愈○消○經○曰○陰○虛○則○病○陰○竭○則○死○惟○宜○以○熱○童
便○入○燒○鹽○少○許○三○飲○而○三○吐○之○宜○提○其○氣○鹽○涌○於○上○溺○泄
於○下○則○中○通○矣○或○有○單○用○淡○鹽○湯○探○吐○之○總○不○出○宜○通○發
越○之○義○蓋○既○有○其○入○必○有○其○出○今○有○其○入○而○不○得○其○出○者
否○塞○也○多○死○得○吐○後○方○可○用○藥○調○理○脉○訣○曰○滑○數○爲○嘔○代
者○霍○亂○微○滑○者○生○瀉○數○凶○斷○又○曰○滑○而○不○勻○必○是○吐○瀉○霍
亂○之○候○脉○代○勿○訝○故○凡○吐○瀉○脉○見○結○促○代○或○隱○伏○或○洪○太
皆○不○可○斷○以○爲○死○果○脉○來○微○細○欲○絕○少○氣○不○語○舌○捲○囊○縮
者○方○爲○不○治○

夫中者上下四旁之樞機。若中脘之氣健旺有餘，則驅下
脘之氣於大小腸。從前後二陰而出。惟其不足，則無力運
之。下行反受下脘之濁氣，以致胃中清濁混亂，爲痛爲脹
之所由也。經曰：太陰所至爲中滿。霍亂吐下，清氣在陰，濁
氣在陽，營氣順脉，衛氣逆行，清濁相干，亂於腸胃，則爲霍
亂。吐瀉之後，甚則轉筋。此兼風也。手足厥冷，氣少唇青，
此兼寒也。身熱煩渴，氣粗口燥，此暑病也。四肢重着，骨節
煩疼，此兼濕也。轉筋者，以陽明養宗筋屬胃，與大腸今
暴吐下，津液頓亡，內外傷感，冷熱不調，陰陽相搏而攻閉。